



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCXLVII. ad annum CCCCI.

**Parisiis, 1644**

Epistola II. Anastasii Papae I. Ad Nerianvm. Nerianum religiosum virum ob  
parentum amissionem solatur.

**urn:nbn:de:hbz:466:1-15256**

adeo quatuordecim annis ante ingressum Anastasii exaratum fuisse oportet. Vnde si eam legitimam & non potius supposititiam esse velimus, apparet, eam vel aliis pontificibus quam Anastasio adscribendam esse, vel in notam consularem mendum irreplisse. Imposturæ suspicionem auget, quod maxima pars epistolæ, qua agitur de Manichæis, reperiatur apud sanctum Leonem magnum Romanum pontificem, in epistola illius secunda ad vniuersos Italiam episcopos scripta. Hæc post Surium. Baron. anno 402. num. 48.

EPISTOLA II.  
ANASTASII PAPÆ I.  
AD NERIANVM.

Nerianum religiosum virum ob parentum amissionem solatur.

*Dilectissimo fratri Neriano Anastasius.*

**M**ULTA mihi in omnibus fidei & bonitatis tuæ literis causa gaudii est, quod tantum studium circa religionis cultum exhibes, & Domini sacerdotes tuis in partibus adiuuare studies. Vnde & Deo gratias ago, quite ad hoc instigat, & vt perseverabilem in bonis operibus te faciat, exoro. Vos tamen & in prosperis & aduersis Deum laudare magnifice oportet, eius sub potenti humiliamnu: *Vt in tempore vos tribulationis* (iuxta Petrum apostolum) confortet & exaltet. Fraternitatis ergo vestra afflictio, quam de amissione parentum vestrorum vos habuisse audiimus, tantam nobis causam moeroris iniecit, ut quia nos de duobus caritas vnum fecit, cor nostrum in vestris specialiter vri tribulationibus sentiremus. Sed in hoc dolore multum me consolata est sanctitatis tuæ ad animum res deducta, \* quia & patienter ferre tristitiam decet, & de morte plebis tuae ulterius longam non habere molestiam. Ne tamen aliqua adhuc tribulatio in vestra mente resideat, hortor \* quiescere a dolore: quia indecens est, te illis tædio affectionis addici, quos credendum est ad veram moriendo vitam peruenire. Habent forsitan illi justam longi doloris excusationem, qui vitam alteram neisciunt, qui de hoc sæculo ad melius esse trahitum non confidit. Nos autem qui nouimus, qui credimus & docemus, contristari nimium de obeuntibus non debemus, ne quod apud alios pietatis tenet speciem, hoc nobis magis in culpa sit.

13. q. 2. Ha-  
bent forsi-  
tan.

fit. Nam diffidentia quodammodo genus est; contra quod quisque prædicator queritur, iustitiam amans, dicente Apostolo: *Nolumus autem vos ignorare de dormientibus, ut non contristemini, sicut & ceteri qui spem non habent.* Hac itaque, frater carissime, ratione perfœcta, studendum nobis est, ne (sicut diximus) de mortuis affligamur, sed affectum viuentibus impendamus, quibus & pietas ad utilitatem, & sit ad fructum dilectio. Depone ergo, carissime, mœrem, & assume spiritualem fructum lœtiæ ad utilitatem sanctæ Dei ecclesiae, seruorumque eius profectum: & vitæ huius quæcumque sunt spacia æternis diuinisque officiis illustrare contendere, ut qui insignem te præstiterit, reddat persæcula clariorem.<sup>b</sup> Data septimo Idus Iunii, Theodosio Augusto vii. & Palladio viris clarissimis consulibus.

## NOTÆ.

<sup>a</sup> *Epistola II.*] Eadem fere suspicione imposturæ hæc, sicut etiam præcedens epistola, laboraret, si non in manuscriptis codicibus nota consularis hic circa finem addita abesseret. Septimus enim consulatus Theodosii, habens collegam Palladium, incidit in annum Domini 416. qui est 15. post obitum Anastasii. Qua ratione isto tempore Anastasius epistolam scripsisse dicatur, non video. Ne igitur totius epistolæ fides & auctoritas pericitetur, ob manuscriptos codices, vnde hæc Anastasii in tomum primum epistolarum pontificium relata est; notam consulariem in fine superadditam, hac virgula censoria perstringendam esse iudicauimus.

<sup>b</sup> *Data septimo Idus Junii.*] Hæc est illa consularis nota, de fide integre suspecta, quæque tomo i. epistolarum pontificiarum ab hac epistola ex manuscriptis codicibus scripta, abest.

## EPISTOLA III.

## ANASTASII PAPÆ I.

AD IOANNEM HIEROSOLYMORVM EPISCOPVM.

*A Ioanne Hierosolymorum episcopo Anastasius pontifex de Rufino, qui Origenis librum e Græco in Latinum sermonem verterat, consultus, respondet se hominem approbare, si Origenis errores tamquam execrando prodat; secus autem, si illis fidem habeat.*

**P**ROBATÆ quidem affectionis est hoc, ut laudabiliter de sacerdote sacerdos loquaris. Pro tanto igitur præconio, quod in merita mea effusissime contulisti, ut amo tu gratias ago, ita splendorem tuæ sanctitatis & eas, quas in Domino habes virtutes subinde quodammodo

*Concil. Tom. 3.*

XXX